

(27. *Dubia circa congreg. Tertiiorum S. Francisci. Faventin. Decretum.*

Cum congregatio quædam tertiiorum S. Francisci in ecclesia S. Antonii Patavini, civitatis et diœcesis Faventinæ canonice reperiatur erecta sub cura et directione Minorum Reformatorem, et inde PP. Minorum Conventualium, ac iterum tandem Minorum Observantium, qui aliquibus de causis sacra in dicta ecclesia non amplius facientes, minime vero regimen et auctoritatem amittentes, sæculares sacerdotes in administratione ecclesiæ in spiritualibus substituerunt.

Non obstante autem regimine, auctoritate et directione fratrum Minorum Observantium hujus præfatæ congregationis tertiiorum, dubitatum tamen fuit, indulgentias non modo pro tertiariis, verum etiam pro omnibus Christifidelibus in ecclesia existisse, præsertim vero dubium invaluit circa indulgentias portiunculæ nuncupatæ.

Hinc proposito huic S. congregationi Indulgentiarum triplici dubio, videlicet:

1. An apponere ad januam ecclesiæ tabellam annuntiantem indulgentias in festis ordinis, ut fideles omnes, et tertiarii eas consequi possint, amplius liceat.

2. An ecclesiæ præfatæ S. Antonii, Calendario S. Francisci, ac Missali Seraphico uti permissum sit.

3. An fideles, etiam non tertiarii, prælaudatam ecclesiam visitando die 2 Augusti, indulgentia portiunculæ appellata, frui possint, et valeant.

Eadem S. congregatio Indulgentiarum, auditis consultorum votis, ac re mature pensata, sic ad tria supra enuntiata quæsitæ respondendum censuit; et quoad primum:

Non licere apponere ad januam templi S. Antonii Faventiæ tabellam describentem Indulgentias in festis ordinis Minorum S. Francisci.

Ad secundum. *Affirmative* pro tertiariis dumtaxat, *negative* vero pro iis qui tertio Ordini non sunt adscripti.

Ad tertium. *Affirmative* pro tertiariis; *negative* quoad omnes Christifideles.

Factaque de his omnibus per me infra scriptum ejusdem S. Congregationis secretarium relatione SS. Domino Nostro in audientia diei 24 Maii 1819, Sanctitas Sua ipsius S. congregationis votum benigne approbavit.

Datum Romæ ex secretaria ejusdem S. congregationis Indulgentiarum, die 25 Maii 1819.

B. CARD. NARO PRÆFECTUS.

Loco ✕ sigilli.

Angelus Castaguti secretarius.

(28. *Dubia de confess. sacramentali pro lucranda indulgentia.*

Dubium primum. Per decretum S. congregationis Indulgentiarum datum die 12 Junii 1822; conceditur, confessionem sacramentalem peractam infra hebdomadam ante festivitatem suffragari posse ad indulgentiam lucranda.

1. Quæritur an verba *infra hebdomadam* significant octo dies tantum quæ festivitatem immediate præcedunt; an vero hebdomadam illam totam, et integram, quæ ante festum decurrit, ita ut ex. gr. confessio facta die dominica suffragetur ad lucranda Indulgentiam die Sabbati hebdomadæ sequentis, in quam diem festum incideret, tametsi tunc 13 dies inter confessionem, et festivitatem intercessissent.

2. Quæritur an confessio octavo die ante festivitatem peracta, vi hujus indulti, suffragetur tantum ad unam indulgentiam lucranda, an vero per hanc confessionem aliæ etiam lucriferi possint indulgentiæ, quæ infra prædictum tempus occurrerent, et ad quas lucrandas sacramentalis confessio cæteroquin requireretur.

Dubium secundum. Quæritur an, cum in Bulla, vel Brevi, quo conceditur indulgentia, confessio tanquam conditio *sine qua non* præscribitur, necesse sit ut sacramentalis absolutio pœnitentibus detur ad indulgentiam lucranda:

Sacra congregatio Indulgentiis sacrisque Reliquiis præposita respondendum censuit:

Ad dubium primum:

Affirmative quoad primam partem; *negative* quoad secundam.

Ad 2. *Negative* quoad primam; *affirmative* quoad secundam.

Ad dubium secundum: Respondetur:

Negative.

In quorum fidem, etc.

Datum Romæ ex secretaria ejusdem sacre congregationis Indulgentiarum die 15 Decembris 1841.

C. CARD. CASTRACANE PRÆFECTUS.

(29. *Dubia de parvo scapulari, seu habitino.*

Beatissime Pater, Ludovicus de Sambucy, canonicus Parisiensis, et vicarius generalis San-Briocensis, Sanctitatis Vestræ orator humillimus, suppliciter exposulat responsum ad dubia gravis momenti. In Gallia nullus adest conventus hominum ordinis Carmeli, et apparent rari hujus religionis patres; tres tantum noti adsunt in parte meridionali vastissimi regni. Inde molestissima exorta est controversia, quæ magnam animis perturbationem affert paucis abhinc mensibus.

Usque adhuc omnes persuasum habuerant sacerdotem, cui Sanctitas Vestra dederat benedicendi et fidelibus parva scapularia imponendi facultatem, eo ipso inclusam obtinuisse facultatem commutandi unicuique aliquas hujus confraternitatis obligationes commutabiles, vice confessarii Carmelitani omnino deficientis; quidam nunc negant, et huic opinioni palam obsistunt et adversantur; quapropter a Paternitate Vestra quæritur:

1. An sacerdos, qui obtinet, ut supra, facultatem benedicendi ac imponendi scapularia, habeat eo ipso facultatem commutandi obligationes commutabiles confratrum, quando opus est, scilicet cum recursus ad

alterum sit impossibilis, ut hoc commodo fideles non priventur.

2. Si vero sacerdotes Galliæ falsæ innixi suppositioni, commutaverint, absque facultatibus opportunis, obligationes confratrum, supplices nunc adeunt S. V., ut dignetur sanare, ut dicitur, *in radice*, omnes commutationes, et unicuique impertiri facultatem specialem commutandi, si opus sit, obligationes confratrum scapularis. Et Deus, etc.

Sacra congregatio Indulgentiis sacrisque reliquiis præposita, ad præfata dubia respondit:

1. Ad primum. *Negative*; vigore enim obtentæ facultatis benedicendi, ac imponendi scapularia non sequitur quod sacerdos ea quoque gaudeat potestate commutandi obligationes injunctas, nisi expresse enuntietur in rescripto concessionis pro benedictione et impositione scapularium; at vero in una Bisuntina sub die 12 Augusti 1840, ab hac S. congregatione responsum fuit: « Accedente gravi impedimento, non teneri confratres neque ad jejunia, neque ad recitationem Horarum Canonicarum, aut officii B. M. V. neque ad abstinendam diebus Mercurii, et Sabbati. Consulendi tamen fideles, ut hoc in casu se subiciant iudicio docti et prudentis confessarii pro aliqua commutatione impetranda. »

2. Ad secundum, jam provisum fuit in primo: et quatenus opus sit, Sanctissimus Dominus Noster Gregorius Papa XVI sanavit quemcumque defectum huc usque incursum circa obligationum commutationem, dummodo tamen sacerdotes bona se gesserint fide.

In quorum fidem, etc.

Datum Romæ ex secretaria ejusdem S. congregationis Indulgentiarum die 22 Junii 1842.

C. CARD. CASTRACANE, PRÆFECTUS.

A. Can. Princivalli, substitutus.

(30. *Indulg. pro recitatione precum vulgo sette allegrezze, etc.*

DECRETUM URBS ET ORBIS.

Ex Audientia Sanctissimi.

Enixis porrectis precibus Sanctissimo Domino Nostro Papæ Pio IX a pluribus Romani

INFERNUS.

(Vide APPEND. in fine post Decret. Sacrarum Congreg.)

INSIGNIS.

COLLEGIATA NON INSIGNIS.

Monitum editorum Casinensium.

Cam nondum ab Urbe habuerimus S. C. Concil. Responsum, super dubio de quo in addit. nostris sub hac v. sermo est (*vide ibi*), omnes quorum interest monemus, cum pri-

INTERDICTUM.

SACRÆ CONGREGATIONIS CONCILII DECRETUM.

Interdictum ob eccles. refectionem neglectam.

Episcopus Firmanus ecclesiam S. Mariæ de Puteo oppidi S. Martini interdixit, decre-

cleri sacerdotibus, ut obsequia quibus sanctus Joseph, Genitricis Dei sponsus, ad ejus implorandum patrocinium, a fidelibus colitur vulgo *Le sette allegrezze ed i sette dolori*, etc., majori indulgentiarum lucro ad spirituales Christifidelium utilitatem decorarentur; præsertim pro iis, qui septem continentibus diebus Dominicis quocumque anni tempore præfatas preces recitarent, cum huc usque a san. mem. Gregorio XVI indulgentia tercentum dierum tantum in unaquaque ex prædictis Dominicis, plenaria vero in ultima dumtaxat fuisset elargita, prout ex decreto sacre hujus congregationis diei 22 Januarii 1836 patet; Sanctitas Sua, referente me infrascripto ejusdem S. congregationis secretario, in Audientia diei Februarii indulsit ut, firmis remanentibus concessionibus enuntiatas, omnes utriusque sexus Christifideles indulgentiam plenariam in singulis præmemoratis continentibus Dominicis quocumque anni tempore ad libitum eligendis lucrari possint et valeant; ea tamen apposita conditione, ut in unaquaque Dominica, præmissa prædictarum precum recitatione, vere pœnitentes, confessi, ac S. Eucharistia refecti, aliquam ecclesiam seu publicum oratorium visitent, et ibi per aliquod temporis, juxta mentem Sanctitatis suæ, pias ad Deum preces effundant; facta insuper potestate easdem plenarias indulgentias animabus in purgatorio detentis applicandi. Iis vero Christifidelibus prædicta obsequia recitare nescientibus, ac iis in locis ubi publice non peraguntur, Eadem Sanctitas Sua iisdem supplicantibus oratoribus, in audientia diei 22 Martii, supraenuntiatis indulgentias pari benignitate concessit, dummodo, sola precum recitatione ommissa, cæteris tamen injunctis operibus adimpletis, septem tantum *Pater, Ave, et Gloria* in unaquaque ex prædictis septem Dominicis devote recitent. Præsenti perpetuis futuris temporibus valituro absque ulla Brevis expeditione.

Datum Romæ ex secretaria S. congregationis Indulgentiarum die 22 Martii 1847.

Loco ✕ sigilli.

C. CARD. ACTON PRÆFECTUS.

Jacobus Gallo secretarius.

num Responsum illud acceperimus, statim transmissuros ad eosdem in dimidic folio separatim, quo proprio loco in hoc quarto tomo inseratur, et ita tamen ut fasciuli qui tunc temporis publicandus erit partem faciat.

vitque munerum parochialium translationem ad ecclesiam S. Joannis, donec reficeretur. Populus reclamavit, ac præsertim Antonius Piroli, qui actionem popularem sibi competere putabat, ut episcopo contradiceret. Aie-

bat Pirolini instauratione non indigere ecclesiam, ita ut opus esset onerum parochialium translatione. S. Congreg. autem ratum habuit

IRREGULARITAS.

SACRÆ CONGREGATIONIS CONCILII DECRETA.

(1. *Denegat. dispensat. ab irregularit. ob defectum claudicationis.*

Irregulari clerico tanquam claudicanti dispensationem negavit S. congregatio, ut ad sacros ordines promoveri posset in Albinganum. Irregularitatis 20 Januarii 1798.

(2. *Dispensat. ab irregul. ob intervent. in latronum occis.*

Irregularitatis dispensationem a sacerdote Francisco Xaviero Durante contractæ, quia aderat præsens, dum socii proscriptos latrones occiderunt, distulit primum sacra congregatio per rescriptum *expectet*; mox concessit in Bisinianum. Irregularitatis 13 Septembris 1800, et 16 Maii 1801.

(3. *Irregularitas non contrahitur in censuram violat. nulliter latorum.*

Irregularitatem incurrisse negavit S. congregatio canonicum Massi, licet celebrasset postquam vicarius capitularis nulliter eundem a divinis suspenderat: in Montis alti suspensionis et irregularitatis, 13 Septembris 1800.

(4. *Dispensat. ad cautelam.*

Ab irregularitate ad cautelam dispensatur carmelita frater Emmanuel a SS. Trinitate, qui morbo affectus crus sinistram flectere non poterat: in Barchionem. Irregularitatis 11 Julii 1801.

(5. *Denegat. dispensat. ab irregular. ob læsionem sinistrae manus ex venationis causa.*

Denegat S. C. dispensationem ab irregularitate Philippo Maggiorani paroco S. Martini in valle Astæ, qui dum venationi non clamose operam dabat, in ballistæ igneæ extra modum impletæ explosione suam lævam ita læsit ut deinde mortis vitandæ causa brachii partem amputare necesse fuit: Burgi S. Sepulchri 18 Junii 1785. Denuo sacerdos preces exhibuit, et etiam episcopus, parochiæ incolæ vocarunt, et S. C. rescripsit ad secretarium cum SSmo. juxta mentem: 7 Julii 1787.

(6. *Dispensat. ab irregul. ob amisionem in venatione digitorum sinistrae manus.*

Dum sacerdos Cajetanus Falbo collegiæ ecclesiæ Cacurri canonicus licitæ et ab ipso episcopo permissæ venationi vacabat, digitos sinistrae manus ex igneæ ballistæ dirumptione amisit universos. Supplex modo sistit in S. C. pro dispensatione obtinenda; præsertim cum plenissimum de bonis ejus moribus gravique paupertate testimonium afferretur, atque experimento constaret eundem idoneum repertum fuisse, tam in cæremoniis quam in omnibus aliis sacrificiifunctionibus; et S. C. annuit, dummodo celebret hora a populo minus frequentata: Geruntinen. dispensat. ab irregul. 24 Maii 1788.

(7. *Denegat. ab irregularit. ob brach. attract.*

episcopi decretum, tum quoad Interdictum, tum quoad translationem: Firman. *Interdicti*, 19 Maii 1787.

Clericus Joannes Baptista Bertoluzzi læsus in brachio dextero ex perniciosis pustulis, nuncupatis *Vajolo* in ætate puerili, ut ad sacerdotium ascendat, postulat dispensationem. Episcopus omne abesse periculum et populi offensionem, sacerdotibus ecclesiam Burgetti indigere, familiam ejus plurimis missarum oneribus esse gravatam, et præ angustia rei familiaris ea implere non posse affirmat; sed S. C. dispensationem ab irregularitate denegavit. Nam attractum brachium dexterum inutile ad faciendum sacrum fere habebat: Abbinganum. irregularit. 11 Februarii 1797.

(8. *Denegat. ab irregul. ob inhabilit. laevi brachii.*

Sacerdos Franciscus Pujol et Carner apoplexia correptus a sexennio omnem amisit laevi brachii manusque usum; ideo exoravit pro facultate sacrum faciendi cum auxilio alterius sacerdotis seu dispensatione ab irregularitate; sed licet episcopus ei faveret, quia omnia ad sacrificium necessaria sufficienter explere valet, et sine adstantium admiratione in oratorio privato. S. C. dispensationem petitam denegavit. Vicen. irregularit. 19 Augusti 1797.

(9. *Denegat. dispensat. ab irregul. ob claudicat.*

Ita clericus Franciscus Ambrosius Lamberti a sinistris claudicat, ut testimonio ejus parochi sine baculo deambulare nequeat; ob id dispensationem ab irregularitate postulat ut ad majores ascenderet ordines. Episcopus testatur quod in experimento periculum, populique offensionem parit deformitas; nec adest Ecclesiæ necessitas neque utilitas. S. C. petitioni dissensit: Albinganum. irregularit. 20 Januar. 1798.

(10. *Denegat. dispensat. ab irregul. ob homic. secut. ex verberat.*

Quædam femina evangelista, quæ pro linteolo recuperando domum sacerdotis Josephi Muscat petierat, verberibus crudeliter ab eo fuit percussa, et cum postea in inferius domi atrium cecidisset, non multum post temporis periit. Postulata proinde ab eodem sacerdote dispensatione ab irregularitate, S. C. ivit inficias: Melevitana Dispensat. 10 Jan. 1778

(11. *Dispensat. ab irregul. ob censur. ignoranter violat.*

Occasione cujusdam litis, sacerdos Nicolaus Giannuzzius adversus sacerdotem Vincentium Cacciatozem quasdam exhibuit paritas ex antiquis codicibus baptismatis et matrimoniorum extractas, quæ falsæ deprehensæ fuerunt; ideo criminalis querela contra Nicolaum a curia episcopali emanavit, vi cujus suspensionis poena in eum inflictæ fuit. Interim sacrificium missæ, censuram ignorans, peregit, proindeque petiit absolvi et dispensari. A suspensione, abso-

lutione ostenta, inde ab irregularitate a S. C. fuit dispensatus: Ugentina Dispensat. ab irregularit. 14 Martii 1778.

(12. *Dispensat. ab irregul. ob homicid. secut. ex verberat.*

Excitata contentione inter Nicolaum Beviacqua operarium, et notarium Constantinum Quici levirum sacerdotis Joannis de Alexandro primicerii ecclesiæ cathedralis, idem notarius prædictum Nicolaum lignea virga graviter verberavit, et super accedens primicerius, aliis arreptæ palæ ictibus ipsum Nicolaum percussit, evenitque ut in actu percussio Nicolao corpus suum curvanti luculento vulnere concisum fuerit, et ad breve morte non sua functus est. Inde contra primicerium processu confecto ille irregularis fuit declaratus; confugit ergo ad S. C. pro dispensatione obtinenda, et rescriptum tulit *dilatata*, et scribatur card. archiepiscopo Beneventano juxta mentem: Terularum dispensat. ab irregularit. 18 Septemb. 1779. Deinde Dispensationem reportavit. 29 Aprilis 1780.

(13. *Denegat. ab irregul. ob homicid. in rixa.*

Clericus Silvester Lupus in rixæ actu, et ad sui defensionem, Villicum Nicolaum Cipullam interfecit, concordatisque parte et fisco, petiit a S. C. dispensationem ab irregularitate, si in eam forte incidisset, ut ad presbyteratus ordinem ascendere possit ob beneficia quibus de jurepatronatus suæ familiæ gaudet. Sed spes eum frustrata est, quia S. C. petitionem rejecit: Messanen. Irregularit. 16 Jan. 1780.

(14. *Dispensat. ad cautel. ob irregular. ob homic. casual.*

Rector seminarii episcopalis Nicolaus Marzianus ad vineam accessit, et secum duxit Franciscum Zingarellum adolescentem annorum sexdecim, qui in eodem seminario debebat ut nomen militiæ ecclesiasticæ daret, præcepitque illi ut sibi igneam ballistam traderet. Juvenis simul ac primum in manus sumpsit, improvise illa explosit, læsitque in humero dextero rectorem, qui post octo dies ex vulnere obiit. Curia laicalis adversus illum processit, etiamsi rector expresserat se nunquam dubitasse *che detto figliolo avesse commesso verun dolo, o colpa anche levissima*. Hinc Franciscus dispensationem imploratam a S. C. ad cautelam, ut ad ordines promoveretur, obtinuit: Andrien. Dispensat. ab irregularit. 20 Jan. 1781.

15. *Dispensat. ab irregul. ob baptism. iterat.*

Ex querelis delatis ad curiam Firmanam confecto processu, et examinato Francisco Monti paroco ecclesiæ S. Mariæ ad Mare in Castro Turris Palmarum, deprehensum est quod dictus parochus, licet de collato per medicum baptismo infanti ob imminens periculum bis ab obstetrice apertis verbis monitus fuisset, voluit nihilominus sacramentum iterum sub conditione conferre; hac de causa, eo postulante, S. C. locum

esse dispensationi existimavit: Firmana Dispensat. ab irregularit. 28 Aprilis 1781.

(16. *Dispensat. ab irregul. ob homicid. ex vulnere.*

Cum sacerdos Antonius de Grandis a furioso fratre comprehensus timuisset ne ab eo interficeretur, uti refert episcopus, illius humerum ictu gladioli sauciavit, ex quo vulnere, vel ex chirurgi imperitia, post aliquot temporis spatium idem frater occubuit. Efflagitans autem dictus sacerdos dispensationem a S. C. negativum accepit responsum: Senogallien. Dispensat. ab irregularit. 16 Junii 1781. Inde eam impertita est. 18 Junii 1785.

(17. *Denegat. dispensat. ab irregul. ob homicid.*

In domo sacerdotis Alexandri De Angelis quando summa inter consanguineos ejus impendebat contentio, prædictus sacerdos e cubiculo, in quo se commiserat, ardens infesto arrepto gladio egrediens, in obscurum litigantium agmen se conjecit, et Antonium Diotallevi, quem ex animo et intimo sensu diligebat, ita vulneravit, ut binas post horas ipse interierit. Sacerdos hinc aufugit, constructoque interim processu, soluta ab eo poena fuit absolutus. Sed S. C. quam adiiit supplex, dispensationem ab irregularitate noluit indulgere. Nepesina Dispensat. ab irregularit. 3 Augusti 1782. Deinde rediit causa, et prodiit rescriptum: « *Expectet.* » 29 Novem. 1783. Demum, rursus exquisito S. C. judicio, in decisio rescribitur 24 Julii 1784.

(18. *Dispensat. ab irregul. ob viol. censur. etiam extrajudicial. lator.*

Capellanus Dominicus Bolmer, cui vetitum fuit sub poena suspensionis, licet extrajudicialiter indicta et renovata, ne e civitate Savonæ discederet, nisi prius onera missarum expieret, et de implemento rationem redderet, abivit, missam celebravit, exceptitque confessiones sacramentales. Inde supplex obtinuit a S. C. dispensationem ab irregularitate arbitrio episcopi, dummodo compleret prius onera missarum quæ omiserat. Savonen. 14 Sept. 1782 dub. 2.

(19. *Dispensat. dilat. ab irregularit. ex ictu ferreæ fistulæ oculi oratione secuta.*

Petenti clerico Cyriano Mattei dispensationem ab irregularitate, eo quia, contendens cum Francisco Sartorelli, in eum ferream fistulam contorsit, ex eoque ictu oculum Franciscus amisit: rescribitur a S. C. « *expectet et ad mentem:* » nullius S. Laurentii in Campo Dispensat. ob irregularit. 19 Julii 1783. Inde, etiamsi abbas commendatarius dictum clericum, fisco et parti præstita satisfactione, et clericalem postea semper præsetulisse modestiam affirmet, S. C. nihilominus respondit iterum eidem dispensationem exposcenti: « *Expectet.* » 8 Maii 1784.

(20. *Dispensat. ab irregul. ob defect. Sacri Patrim.*

Delatum cum fuisset Ecclesiasticæ Curiæ sacerdotem Franciscum Apa, emen-